

Profet Obadiago Buku

Hasia nedebo po

Te profet Obadiago aga po te Babilon dabego te hanu Jerusalem dolagasai nosali pusali. Polobadu mu te Idom dabe te Israel dabego boi bidi bidai dao. Tama te Babilon dabego te Jerusalem hanu dolagasobo sogo, te Idom dabe augwali wiegi yai homu mu elama, tama augwaligo te Babilon dabe tau selama, tama Israel dabe dali dwai sę yai dao. Tama tialima, Obadiago profet po weyu, e tama po wali, Godigo te Idom dabe dene mawaibao po wali. Te tų kantri Idom dali, te gasa tų pedai kantri dabego dali, te Israel dabeba boi bidi elaluali, te augwali dolaibao. Augwali sese tama menia saibao, te po wai.

Godigo te tų kantri Idomba dwai dene ilibo sę yaibao

¹God Genuai Bidigo te po te Idom bagebolo wali, tama agai te po Obadiabolo mawai. Genuai Bidigo bidi me deli te tigidali bulu tų kantriba tagala palali, tama dago agai po odalio. Agai te po wai, “Dage sisi elama, dago te Idom dali hwįgi pinao,” walio. ²Genuai Bidigo te Idom dabeba te po wai, “Te eno dagego bomu aiyaba elalueibao, te tigidali bidi hani bagego te tudiba muyu, te dageba posobo po waibao. ³Te duga hagoma ebo kolesagago naga, te dage tibo po ola mobao. Te bomai masigi obogo te dagego genuai taun bagua selama, te dage bulu du tomode bidibao. Tialima, dagego te tama po obao, ‘Dego da aiyaba elalueibawe? Mu menio,’ wabo. ⁴Tialima, eno dageba te po obao, dage te ugwadu mu bola soabo ba kemedage tiwai elalubo te tagalao, tama te be ugwadu daide te hų tomode sę yani tiwai elalubo, teda eno dage aiyaba mu kekasa dulaibao.”

⁵“Te nai wi sabo bidi hulide asobo sogo, augwaligo te mena nai doado bage te augwa homu wei ebo nai selama, te me badu elalubadi taga paibao. Me, te we bidi dabego te wain ge du wai sisinibo sogo, te augwaligo me badu elalubadi tagalaibao. Tiali goli, dage da, te boi bidi dabego dage mu silaibao,” wai. ⁶“Augwaligo te dagego mone me doado bage tigidali saibao, te dage Isogo hani dabego geme dualali doado bage selama, te selasa paibao,” wai. ⁷“Te dage dali homu munama kęalubo

bulu t̄ kantri dabego te dage tibo po ola mawaibao. Te augwaligo dage sela s̄baso, te duga bulu t̄ kantri tagalama, pelawaibao. Te dage dali bugagia bidali bulu t̄ kantri hani bagego te hw̄ibo side augwaligo dage aiyaba elalueibao. Te dage dali nai tuali abagi dabego me, te augwaligo dage tola sabo k̄ bono gaga munama, tama augwa te po waibao, “Te Idom dabego koneani homu kolesaga menade elalubawe?” waibao.”

8 “Te eno dage Idom dabeba dwai dene ilibo s̄ ebo sogo, teda eno te dagego kolesaga page konea pali hani tigidali silaibao, tama dagego koneani kolesaga page tigidali te sela s̄awaibao. 9 Tama dage te Teman taun bidi dabego te boi hw̄ibo mu konea pali, tiali goli, te dage wi dwai mu yaibao. Tama eno dage te tigidali Isogo ami hani ela silaibao,” Genuai Bidigo te po wali.

Te Idomgo yali s̄ede te augwali dolabo s̄e yalio

10 Genuai Bidigo te tiwai po ma wali, “Dage Idom dabego te duga ama dede dabego nai doado bage dabe wi sali, augwali te Jekopgo hani dabe, te augwali ela muai dao.^a Tama tibaso, eno dage hale mu iliyu, tama dage mu ela silaibao, dage munu me ma pedalogobeo. 11 Te Juda dabego boi bidi dabe asiyu, te Jerusalem sunumi obo banis aluama, te Juda dabego mone me doado bage selama, te augwa hasi dobola sali sogo, dage te olo dolalugi pelama, te Juda dabe tau me sabeo. Tialima, dage me te augwaligo nai wi sali bidi dabe deli hani tiwai yali dao,” wali.

12-14 Genuai Bidigo te po me wali, “Dagego te duga ama dede te Juda dabeba yali s̄e hauwa te dolo yai s̄e me ebeo. Dagego te augwali dwai dene sabo sogo, te dagego bugai haliga eyu, wiegi yai homu pemene yali. Te dagego hagoma eyu, te augwali dwai dene ebadi, te gagali ilibo po wali. Te eno we bidi augwali dene sabo sogo, te dage augwaligo taun tomoba pelama, te augwali dene sabode te wiegi yai homu pemene elama, te augwaligo wiegi yai nai dabe elali. Dage te sunumi tumage age siba doligi pelama, te meba Juda wi painu sobadi, te pageabi elama tualio. Tama dagego augwali te boi bidi dabego nogoba muani. Dagego te yali s̄e dabe, te dolo yai s̄e mu me ebeo,” wai dao.^b

Godigo te tigidali hani bageba te dwai dene mabo s̄e yaibao wai

15 Tama Genuai Bidigo te tiwai ma wali, “Eno te tigidali we bidi hani po t̄ ilabo bodolu si, te p̄aba yagasalio. Te dage Idom dabego yali dwai s̄e te eno dageba dolo mu wei ponaibao. Te duga yali dwai kolesagade usu nama, te dage seḡe saibao,” wai. 16 “Eno te dwai dene ena we bidiba

^a **Ves 10** Jekop de Iso augwa si aya deli naga dao. Te Israel me Juda augwa w̄aj̄ n̄ōu te Jekop dao, tama te Idom dabe te augwa hani w̄aj̄ n̄ōu te Iso dao. ^b **1:12-14** Ais 34:5-17; 63:1-6; Jer 49:7-22; Ese 25:12-14; 35:1-15; Amo 1:11-12; Mal 1:2-5

mani. Te tiwai naga, te eno te tigidali bulu t̄ kantriba yaibao,” wali, “te augwali te ha yai w̄ tubo tiwai yaibao. Te eno augwali mu silaibao,” wali.

Te Israel dabe ugwaba igulama, te ugwaba ela holaibao

¹⁷Te Genuai Bidigo te tiwai po ma wali, “Tialima, meba te bulu du Saionde bidali te me dologobeo, tama te Saion bulu du te ena bulu mu pedelaibao. Tama te Jekopgo hanigo te eno augwali mani t̄ te augwa ma saibao. ¹⁸Te Jekopgo we bidi dabe, me aga ogwa Josepgo hani bage, augwali te sia tiwai pedelama, te augwaligo Isogo hani silaibao, te siago te kala wa pai dela pabo tiwai yaibao. Te Iso hanide te bidi deli me bidigobeo. Ena Genuai Bidi, eno te po wai dao,” wali.

¹⁹“Te Negevde bidibo Israel dabe, te Juda saut badu, te augwaligo Isogo bulu du te Idom t̄ kantride elaluaibao. Tama te dwasianu bulu du dabe te giliga dega sigulubo te Juda badu elalubo, te Filistia dabego t̄ augwaligo saibao,” wali. “Te Israel hani mebago te Efraim me Samariago t̄ saibao, te Benjamingo hanigo te w̄ Jordan bolama, te Gileat t̄ te giliga pedalubo badu saibao,” wai dao. ²⁰“Te not badu Israel bidi dabe, augwali te gasa t̄ kantriba kalabus igi pai, te augwali kalabus silama, ma asaibao,” wai. “Te augwaligo Fonisia t̄ saibao, te Sarefat te not badu usu nigi paibao. Te Sardis taunde kalabus yali Jerusalem bidi dabe, te augwali ma aselama, te Negev t̄ pedaide elalubo taun dabe saibao,” walio. ²¹“Te Jerusalem dabego te boi hw̄nama, augwali aiyaba elalubaso da, te augwali pelama, te Idom dabe dali hw̄gi pelama, te augwaligo bulu t̄ kantri selama, te augwaligo augwali tonaluaeibao. Tiali goli, ena Genuai Bidi, te ena digi ena te augwa king bidaibao,” wai dao.